

桐山公王孺人七十寿文

李子階泰羅湘名下土也余自为诸生时即获与之締交階泰居洞庭左余家安邑居洞庭右烟波一棹析义论古已悉稔其世有令德矣高大父近麓先生代狩三省按察豫章曾大父元洲先生令越之富阳大父法麓先生令洁具之亦佐治谱于今噪之则获诸母仪之训滋多贤母王太君盖桐山太先生鱣飞湘东时娶以劝内政无何太先生解组归溘然露晞母龄甫二十四階泰则北海讓梨年耳素帟婉劲矢天靡他距今星霜殆将五十易艰贞哉母也此五十年来夏之日冬之夜饘糜晨劳刀尺宵鸣天厯推移人世倾动而咽苦于膈缩涕于眶抚黄口之孤离对青灯而寂寞殆岌攀枯悬崖抱水握火之危卒茫茫乎无所纪计者而今幸矣護草长春沃若北堂琳琅丈夫子毓诸孙多洼水駉彩倍工作站凤妇媳亦多嗣林下风皆太君啖冰药课熊获顿肌裂腑以玉兹成也里当诸君子高其行于其七秩悦辰制锦于屏而谋余为

侑斗之言谊不得以不斐辞愿念觴寿必援仙侶也诸君子皆名儒请以儒者之言进圣之言曰仕者寿而先之以仕者乐山山固与寿为类乎山莫尊于五岳而衡岳涵阳火之精正位南离迺天一握然离中女也孚灵发祥宜在闺帟而贞纯伟健超迈须眉盖以坤兼乾生也匪偶粤惟太母降彼麋壤得天之异殆间世而一观人是以挺秀华族幼嫻内则静莊婉孌出自性成而且朗心毅气烈烈如火劲情岭骨岩岩如山盖以七十二峰之蕴隆三十六泉二十五溪之洄旋排光溶液诞为圣善其澄怀定力何弗笃龐浑固以克永世而区区半百岁之鶉啼蛩语凄风寒月他人所惊心时日摇摇者母直履坦昕夕事耳或曰孀贞苦节也苦之情与寿逆而不知孀贞刚德也刚之性与寿比母之贤也得离之精如山之定胸有智慧念怗烦脑蹇蹇乎寡鹄隻鸞惜往日之飞走悲来朝之嘲啜米盐萦念绩緡销膚云物之迁流生感家计之勤瘁伤神鬱懣楚辛更迭洊至皆足以拂性撓和俾不得全于天而太母

一以坚贞淡易居之柔屈从时劲果持身与物无忤而百体泰然虽贤士大夫有莫能几及者而母则黄发頽颜恺乐康强方悠哉未有艾嗣兹以往大年期颐其所自有固无假于酌者之词以开笑口而芝本体源难忘所自则衡岳之降灵离火之发英殆亦犹空桑之育圣胎也乎太母闻斯言其忻然肯进一竿乎

选进士考授文林郎任湘阴县县丞张祖武拜撰

桐山公王孺人传

孺人姓王氏衡山人父处士兄百岁老儒思孟湘阴李公讳象珠号桐山之继室也桐山公任衡州教授与诸名士谈文讲艺无虚日孺人之父雅重文学又稔其先世知为名贤之后孺人年十八因以归焉孺人生而端慧通书史受女诫于父兄饘饩组紃俱不习而能佐桐山公于衡凡二年而归归二年而桐山公捐馆舍遗孤观清甫三岁孺人痛欲捐生念此藐诸无与冀而长之也因毁形势回矢志抚孤一时有睥睨

其产者百方齟齬之孺人携避村庄书夜纺绩坐孤于旁授以经书渐能晓习通举业因令就良师友质正更典簪珥以佐修脯孤子心志通達而体极尪羸善病孺人始稍舒愁怀寻为授室连兴趣数孙因以家政付见妇孺人弄孙之余仍理女工不懈姑媳撑持家亦渐裕向之轉者得庆康阜矣诸孙森然玉立嶄嶄露头角康熙癸酉添柱桂同岁人泮添柱年十八添桂年十六书香丕振节孝之报稍稍食焉壬午观清以病歿孺人心复恒然以诸孙皆成立辛勤拮据未尝告瘁康熙辛卯添桂以第一人举于乡旂铃报捷而四孙添楷亦随补弟子员吉语叠闻孺人始一开颜谓可上蔚桐山于地下无负数十年冥冥中護佑之德也孺人于时年八十矣顾身玉立晚颜录鬓綽如五十许人邑中先達素稔孺人之苦节贤行因共撰次母之壺范輦者具呈于大中丞瀛仙李公李公览呈惊异嘉叹即檄郡县具文申详题達 旌表 纶音到日孺人设香案九拜谢阙里当之能文者咸製为歌诗以颂扬焉孺人

之节义乃大显于当代庚子建坊于城东石街口添叔亦于是年入泮夫孺人一孱女子耳回忆新寡之日手提三尺小儿蒿蓐以为簪藜菀以为食书则据拾负戴夜则篝灯竈觚理缫车课咿唔吞声饮泣茹蘖饮冰自喻其苦而不以告人者今且自芹藻之士缙绅之俦莫不揆藻摘华而王言褒嘉绰楔屹立惊翔凤翥镂玉泥金则孺人孙子之贤为之也孙子之贤乃天之所以报孺人而不欲其泯没也谁谓天之报施或爽哉请旌之后又十年孺人迺歿其节孝之畧具刻于家谱云

宗岷公杨孺人寿文

火齐木难也而灵蛤胎之赤霞龙圃也而云根毓之迺胎者胡然而称老毓者胡然而云坚九水之波涵光孚秀七十二峰之崑岷强精固神故其为物也苍然凝然然是未可以泛为嘏祝也西池称觴之二者概之矣余奉天子命分守大江以南思关雎雅化黼黻明廷而青闺淑德粹难过之金焦淮海间因念天下事得之传闻不若徵之实见者为

足据若吾乡李母杨老孺人洵归然巾幗中模范乎孺人诞自名门作配我岷翁李老先生先生以吾乡望族负荷堂搆绍衣弓裘虽宗袞华胄而志奋图南涉獵经史蜚声黉序孺人则绮罗不饰而且金兰广谱孺人则辨友隔帷嫺睦任卹子惠咸周问温柔内赞慷慨推与者孺人也孺人之德若此诚未可概于巾幗中求之况余以梓里儿辈新订葭莩当余髮未燥时习闻先生先人近麓公以名御史奉简命巡行宋夫人佐之焊丝耀彤史再传而苏恭人相景麓公治富阳著绩清慎壘传而法麓公得童恭人之温莊洎今亦佐口碑载道节近若恒菴公以学博诏试廷陞先皇帝奇其才特简贤能俾职即有司时刘孺人具古贤媛志不欲以耽肉而怀国尤劝之忧游邁轴终其天年今我杨老孺人上嗣累叶徽音贤淑之至格于祖考祖必佑之令享遐龄福祉一起后嗣鲁颂寿母之章曰既多受祉黄髮儿齿孺人有之矣举丈夫子六长简在世兄英年隲才受知于哲匠督学簿公玉楼需人賁志以往

而斗占世兄崛起成均卓卓不可羈絆若义凭若佑书辈或怀瑾代售
或首拾蘋芹类皆负殊尤有冲霄志至其幼子及诸童孙亦崭然见头
角矣他日得时而驾贡之王廷行见为璠玕为琬琰为天球河图磊磊
国器可玩可珍又奚难掇巍科捧白简檐帷绣斧为 圣天子耳目绳
乃祖武而孺人宠辱不惊自不以人爵易天伦之乐则诸令嗣出而录
养张福颂也处而色养潘輿迎也将神明益茂邠夫人其流亚也岂第
花盈甲子而筹添母寿庆鸿禧于无穷哉吾知设悦之初乡贤士姻娅
之为孺人寿者实细盈筐矣瓊瑯盈案矣珠珮琅玕盈庭矣而不知灵
蚌润海浩浩乎与东海同量璧石韞山岳乎与南山共永其中有真珠
玉焉辉煌璀璨千乘增光而 九重炫采者庶贤母之寿永以千秋乎
是所望于令嗣诸君子

诰授中宪大夫康熙丙子举人山西道监察御史江南十府督糧道太
通兵备道玉池王之琦撰

